

OFFICIA NOVA SANCTORUM

*DE PRÆCEPTO RECITANDA,*

AC IN BREVIARIO ROMANO,

E T

MISSALI *APPONENDA.*

JUXTA DECRETA

SS. D. N. CLEMENTIS XIV.

---

ANNO DOMINI, M.DCC.LXX.

OFFICE OF THE SECRETARY OF THE ARMY

RECEIVED

IN THE OFFICE OF THE SECRETARY OF THE ARMY



RECEIVED

RECEIVED

RECEIVED

RECEIVED

RECEIVED

DIE XX. JULII. *In Festo S. HIERONYMI ÆMILIANI Confessoris, Congregationis Somaschæ Fundatoris. Duplex. Ex Decreto SS. D. N. CLEMENTIS XIV. die 2 Septembris 1769. Omnia de Communi Confessoris non Pontificis, præter sequentia.*

O R A T I O.

**D**EUS misericordiarum Pater, per merita, et intercessionem beati Hieronymi, quem Orphanis adiutorem & Patrem esse voluisti, concede: ut spiritum adoptionis, quo filii tui nominamur & sumus, fideliter custodiamus. Per Dominum.

*In Primo Nocturno, Lectiones de Scriptura occurrente.*

*In Secundo Nocturno. LECTIO. IV.*

**H**IERONYMUS è gente Patricia Æmiliana Venetiis ortus, à prima adolescentia militiæ addictus, difficillimis Reipublicæ temporibus Castro novo ad Quarum in montibus Tarvisinis præficitur. Arce ab hostibus capta, ipse in teterrimum carcerem detruditur, manibus ac pedibus vinctus; cui omni humana ope destituto beatissima Virgo ejus precibus exorata, clemens adest, vincula solvit, & per medios hostes, qui vias

A 2

omnes

omnes obsederant, in Tarvisii conspectum incolumem ducit. Urbem ingressus, ad Deiparæ aram, cui se voverat, manicas, compedes, catenas, quas secum detulerat, in accepti beneficii testimonium suspendit. Reversus Venetias, coepit pietatis studia impensius colere, in pauperes mirè effusus, sed puerorum præsertim misertus, qui parentibus orbat, egeni & sordidi per urbem vagabantur, quos in ædes à se conductas recepit de suo alendos, & Christianis moribus imbuendos.

R. Honestum fecit illum Dominus, & custodivit eum ab inimicis, & à seductoribus tutavit illum : \* Et dedit illi claritatem æternam. *Ver.* Justum deduxit Dominus per vias rectas, & ostendit illi regnum Dei. Et dedit.

### LECTIO V.

**P**ER eos dies Venetias appulerant beatus Cajetanus, & Petrus Carafa postmodum Paulus Quartus, qui Hieronymi spiritu, novoque instituto colligendi Orphanos probato, illum in Incurabilem Hospitale adduxerunt, in quo Orphanos, simul educaret, atque ægrotis pari charitate inserviret. Mox eorumdem hortatu in proximam Continentem profectus, Brixia primùm, deindè Bergomi, atque Novocomi Orphanotrophia erexit, Bergomi præsertim, ubi præter duo, pro pueris unum, & pro puellis alterum, domum exci-





excipiendis, novo in illis regionibus exemplo, Mulieribus à turpi vita ad pœnitentiam converfis, aperuit. Somaschæ demum subsistens, in humili pago Agri Bergomensis ad Venetæ ditionis fines, sibi, ac suis ibi sedem constituit, formamque Congregationis, cui propterea à Somascha nomen factum, quam subindè auctam, & propagatam, nedum Orphanorum regimini, & Ecclesiarum cultui, sed ad majorem Christianæ Reipublicæ utilitatem Adolescentium in litteris & bonis moribus institutioni, in Collegiis, Academiis, Seminariis addictam sanctus Pius Quintus inter Religiosos Ordines adscripsit, ceterique Pontifices privilegiis ornarunt.

R. Amavit eum Dominus, & ornavit eum, stolam gloriæ induit eum: \* Et ad portas paradisi coronavit eum. *Ver.* Induit eum Dominus lorica fidei, & ornavit eum. Et ad.

### LECTIO VI.

**O**RPHANIS colligendis intentus Mediolanum proficiscitur, atque Ticinum, & utrobique collectis agminibus puerorum, tectum, victum, vestem, magistros, nobilibus Viris faventibus, providè constituit. Indè Somascham redux, omnibus omnia factus, à nullo abhorrebat opere, quod in proximi bonum cedere pervideret. Agricolis immixtus per agros sparsis, dum se illis adiutorem in metendis frugibus præbet, mys-

teria fidei explicabat, puerorum capita porrigine fæda abstergens, & patienter tractans curabat, putridis rufficorum vulneribus medebatur eo successu, ut gratia curationum donatus censeretur. In monte, qui Somaschæ imminet, reperta Specu, in illam se abdidit, ubi se flagellis cædens, dies integros jejunus transigens, oratione in plurimam noctem protracta, super nudo saxo brevem somnum carpens, sui aliorumque noxarum pœnas luebat. In hujus specus interiori recessu ex arido silice extillat aqua precibus Servi Dei, ut constans traditio est, impetrata, quæ usque in hodiernam diem jugiter, manans, & in varias regiones delata, ægris sanitatem plerumque conciliat. Tandem ex contagione, quæ per omnem vallem serpebat, dum ægrotantibus inservit, & vitam sanctos propriis humeris ad sepulturam deferret, contracto morbo annos natus sex & quinquaginta, quam paulò antè prædixerat, pretiosam mortem obiit anno millesimo quingentesimo trigesimo septimo: quem pluribus in vita, et post mortem miraculis illustrem **Benedictus Decimusquartus Beatorum, Clemens verò Decimustertius Sanctorum** fastis solemniter adscripsit.

**R.** Iste homo perfecit omnia, quæ locutus est ei Deus, et dixit ad eum: Ingredere in requiem meam: \* Quia te vidi justum coram me ex omnibus gentibus. *Ver.* Iste est qui contempsit vitam mundi, & pervenit ad celestia

cœlestia regna. Quia te. Gloria Patri.  
Quia te.

*In Tertio Nocturno.*

Lectio sancti Evangelii secundum Matthæum.

*LECTIO VII. Cap. 19. b.*

**I**N illo tempore: Oblati sunt ei parvuli,  
ut manus eis imponeret, & oraret. Et  
reliqua.

Homilia sancti Joannis Chrysostomi. *Ho-  
milia 62. in Matthæum.*

**C**UR Discipuli pueros abigebant? Dig-  
nitatis causa. Quid ergo ille? Ut do-  
ceat illos modestè sapere, fastumque munda-  
num conculcare, & suscipit, & ulnis com-  
plectitur, talibusque regnum cœlorum pol-  
licetur, id quod etiam dixit superius. Et  
nos igitur si volumus heredes esse cœlorum,  
hanc virtutem cum diligentia magna secte-  
mur. Hoc est enim Philosophiæ culmen,  
Simplicem esse cum prudentia: hæc vita est  
Angelica. Anima enim puerulo omnibus  
animi morbis vacua est: non memoriam re-  
tinet injuriarum, sed eas inferentes adit, ut  
amicos, ac si nihil factum esset. Et quamvis  
a matre verberibus cœdatur, eam semper  
quærit, et omnibus anteponit.

R. Iste est qui ante Deum magnas virtu-  
tes operatus est, & de omni corde suo lauda-  
vit Dominum: \* Ipse intercedat pro peccatis  
omnium

omnium populorum. *Ver.* Ecce homo sine querela, verus Dei cultor, abstinens se ab omni opere malo, & permanens in innocentia sua. Ipse intercedat.

### L E C T I O VIII.

**S**I Reginam ipsi ostendas diademate ornatam, non præfert eam matri pannis detritis vestitæ, malletque illam incultam, videre, quam Reginam mirificè amictam. Nam quod suum, quod alienum est, non ex paupertate, vel divitiis, sed ex amore existimare solet, & nihil plus requirit, quam necessaria, atque ut lacte repletus est, Statim à mamma abscedit. Non eisdem, quibus nos, ærumnis premitur, nec pecuniarum jactura, rebusque similibus, nec iisdem, quibus nos, fluxis rebus lætatur, neque corporum pulchritudinem miratur. Ideò dicebat: Talium est enim regnum cœlorum, ut ex proposito voluntatis illa operemur, quæ ex natura sua pueri faciunt.

R. Sint lumbi vestri præcincti, & lucernæ ardentes in manibus vestris: \* Et vos similes hominibus expectantibus dominum suum quando revertatur à nuptiis. *Ver.* Vigilate ergo: quia nescitis qua hora Dominus vester venturus sit. Et vos. Gloria Patri. Et vos.

## LECTIO IX.

**Q**UIA enim Pharifæi non aliundè, quam à nequitia, & arrogantia ad agendum ferebantur, ideò ubique discipulos suos simplices esse jubet, illosque subindicat, dum hos instituit. Nihil enim ita superbiam parit, ut principatus, & primi confessus. Quoniam igitur discipuli per totum terrarum orbem multum honoris consecuturi erant, ipsorum animos prævenit, nec finit eos humanum quid pati, nec honorem à vulgo expectere, vel ante alios sese efferre. Nam etiamsi hæc parva videntur esse, at malis ingentibus causam præbent : sic enim instituti Pharifæi in malorum culmen ascenderunt ; salutationes, primos confessus, & medios requirentes, hinc in ardentem gloriæ cupiditatem, inde verò in impietatem lapsi sunt. Te Deum laudamus.

---

**DIE XXI. AUGUSTI.** *In Festo S. JOANNÆ FRANCISCÆ FREMIOT A CHANTAL Viduæ, Ordinis Sædemonialium Visitationis sanctæ Mariæ Fundatricis Duplex.*

*Ex Decreto SS. D. N. CLEMENTIS XIV. die 2 Septembris 1769. Omnia de Comuni nec Virginum nec Martyrum, præter sequentia.*

**O R A-**



## O R A T I O.

**O**MNIPOTENS & misericors Deus, qui beatam Joannam Franciscam tuo amore succensam admirabili spiritus fortitudine per omnes vitæ semitas in via perfectionis domasti; quique per illam illustrare Ecclesiam tuam nova prole voluisti: ejus meritis & precibus concede; ut qui infirmitatis nostræ conscii de tua virtute confidimus, cœlestis gratiæ auxilio, cuncta nobis adversantia vincamus. Per Dominum nostrum,

*In Primo Nocturno Lectiones de Scriptura  
occurrente.*

*In Secundo Nocturno. LECTIO IV.*

**J**OANNA Francisca Fremiot à Chantal Divione in Burgundia clarissimis orta natalibus, ab ineunte ætate eximiæ sanctitatis non obscuras edidit significationes. Eam enim vix quinquennem nobilem quemdam Calvinistam solida supra ætatem argumentatione perstrinxisse ferunt, collatumque ab eo munusculum flammis illicò tradidisse in hæc verba: En quomodò hæretici apud inferos comburentur, qui loquenti Christo fidem detrectent. Matre orbata Deiparæ Virginis tutelæ se commendavit, & famulam, quæ ad mundi amorem eam alliciebat, ab se abjecit. Nihil puerile in moribus exprimens, à sæculi deliciis abhorrens, martyriumque anhelans,

reli-

religioni ac pietati impensè studebat. Baroni de Chantal nuptui à Patre tradita, virtutibus omnibus excolendis operam dedit, liberos, famulos, aliosque sibi subjectos in fidei doctrina, bonisque moribus imbuere satagens. Profusa liberalitate pauperum inopiam sublevabat, annona divinitus non raro multiplicata : quo factum est, ut nemini se umquam Christi nomine roganti stipitem obnegaturam spoponderit.

R. Propter veritatem, & mansuetudinem, & justitiam : \* Et deducet te mirabiliter dextera tua. *Ver.* Specie tua & pulchritudine tua intende, prosperè procede, et regna. Et deducet.

### LECTIO V.

**V**IRO in venatione interempto perfectioris vitæ consilium iniens, continentiae voto se obstrinxit. Viri necem non solum æquo animo tulit, sed in publicum indultæ veniæ testimonium occisoris filium è sacro Fonte suscipere sui victrix elegit. Modica familia, tenui victu, atque vestitu contenta, pretiosas vestes in pios usus convertit. Quidquid à domesticis curis supererat temporis precibus, piis lectionibus, laborique impendebat. Numquam adduci potuit, ut alteras nuptias, quamvis utiles, & honorificas iniret. Ne autem à proposito castimoniae observandæ in posterum dimoveretur, illius voto innovato, sanctissimum Jesu Christi nomen

nomen candenti ferro pectori insculpsit. Ardentiùs indies charitate fervescens, pauperes, derelictos, ægros, teterrimisque morbis infectos ad se adducendos curabat: eosque non hospitio tantum excipiebat, solabatur, fovebat, verum etiam sordidas eorundem vestes depurgabat, laceras reficiebat, & manantibus foetido pute ulceribus labia admoveere non exhorrebat.

R. Dilexisti justitiam, & odisti iniquitatem: \* Propterea unxit te Deus, Deus tuus oleo lætitiæ. *Ver.* Propter veritatem, & mansuetudinem, & justitiam. Propterea.

### LECTIO VI

**A** Sancto Francisco Salesio, quo spiritus moderatore usa fuit, divinam voluntatem edocta, proprium parentem, socerum, filium denique ipsum, quem etiam vocationi obersistentem sua è domo egrediens pedibus calcare non dubitavit, invicta constantia deseruit, & sacri Instituti Visitationis Sanctæ Mariæ fundamenta jecit. Ejus Instituti leges integerrimè custodivit, & adeò paupertatis fuit amans, ut vel necessaria sibi deesse gauderet: Christianæ verò animi demissionis, & obedientiæ, virtutum denique omnium perfectissimum exemplar se præbuit. Altiores in corde suo ascensiones disponens arduissimo efficiendi semper id, quod perfectius esse intelligeret, voto se obstrinxit. Denique sacro Visitationis Instituto ejus potissimum opera

opera longè, latèque diffuso, verbo, exemplo, & Scriptis etiam divina sapientia refer-  
tis ad pietatem, & charitatem Sororibus  
excitatis, meritis referta, & Sacramentis  
ritè susceptis, Molinis anno millesimo sex-  
centesimo quadragesimo primo, die decima-  
tertia Decembris migravit ad Dominum,  
ejusque animam occurrente sancto Francisco  
Salesio in coelos deferri sanctus Vincentius à  
Paulo procul distans aspexit. Ejus corpus  
postea Annesium translatum fuit; eamque  
miraculis ante, & post obitum claram Bene-  
dictus Decimusquartus Beatorum, Clemens  
verò Decimustertius Pontifex Maximus albo  
Sanctorum adjecit.

R. Fallax gratia, & vana est pulchritudo :  
\* Mulier timens Deum ipsa laudabitur.  
*Ver.* Date ei de fructu manuum suarum, &  
laudent eam in portis opera ejus. Mulier  
timens. Gloria Patri. Mulier timens.

*In Tertio Nocturno, Homilia sancti Gregorii  
Papæ in Evangelium. Simile est regnum  
coelorum thesauro. Ut in Communi nec Vir-  
ginum nec Martyrum.*

DIE XXVII. AUGUSTI. *In Fesfo*  
**S. JOSEPHI CALASANTII A**  
**MATRE DEI** Confessoris, Ordinis Cle-  
 ricorum Regularium pauperum Matris Dei  
 Scholarum piarum Fundatoris. Duplex.  
 Ex Decreto SS. D. N. CLEMENTIS  
 XIV. die 19 Augusti 1769.

*Omnia de Communi Confessoris non Pontificis,  
 præter sequentia.*

*In Hymno. Iste Confessor. Mutatur tertius  
 Versus.*

O R A T I O.

**D**EUS, qui per sanctum Josephum Con-  
 fessorem tuum ad erudiendam spiritu  
 intelligentiæ ac pietatis juventutem, novum  
 Ecclesiæ tuæ subsidium providere dignatus  
 es: præsta quæsumus, nos ejus exemplo &  
 intercessione ita facere, & docere, ut præ-  
 mia consequamur æterna. Per Dominum  
 nostrum.

*In Primo Nocturno Lectiones de Scriptura  
 occurrente.*

*In Secundo Nocturno. LECTIO IV.*

**J**OSEPHUS Calasanticus à Matre Dei  
 Petraltæ in Aragonia nobili genere na-  
 tus, à teneris annis futuræ in pueros chari-  
 tatis, & eorum institutionis indicia præbuit:  
 nam adhuc parvulus eos ad se convocatos in  
 myste-



myſteriis Fidei, & ſacris precibus erudiebat. Humanis, diviniſque litteris egregiè doctus, cum Studiis Theologicis Valentiaë operam darct, nobilis potentiſque feminæ illecebris fortiter ſuperatis, virginitatem, quam Deo voverat, inoffenſam inſigni victoria ſervavit. Sacerdos ex voto factus, à compluribus Episcopis in Caſtellæ Novæ, Aragoniæ, & Catalauniæ regnis in partem laboris adſcitus, expectationem omnium vicit, prævis ubique moribus emendatis, Eccleſiaſtica diſciplina reſtituta, inimicitiiſ cruentiſque factionibus mirificè extinctis. Ac cœleſti viſione, & Dei voce frequenter admonitus Romam proſectus eſt.

R. Honeſtum fecit illum Dominus, & cuſtodivit eum ab inimicis, & à ſeducitoribus tutavit illum : \* Et dedit illi claritatem æternam. *Ver.* Juſtum deduxit, Dominus per vias rectas, & oſtendit illi regnum Dei. Et dedit.

### L E C T I O V.

**I**N Urbe ſumma vitæ aſperitate, vigiliis, & Jejuniiſ corpus affligens, in orationibus & cœleſtium rerum contemplatione dies nocteſque verſabatur, ſeptem ejuſdem Urbis Eccleſiaſ Singuliſ ferè noctibus obire ſolituſ : quem inde morem complures annos ſervavit. Dato piiſ Sodalitatibuſ nomine, mirum quanto ardore pauperes, infirmoſ potiſſimùm aut carceribuſ detentoſ eleëmofyniſ, omniſque pietatiſ officio ſublevaret. Lue Urbem

depopulante, unà cum sancto Camillo, tanto fuit actus impetu charitatis, ut præter subsidia ægrotis pauperibus largè collata, ipsa etiam defunctorum cadavera suis humeris tumulanda transferret. Verùm cùm divinitus accepisset, se ad informandos intelligentiæ, ac pietatis spiritu adolescentulos, præcipuè pauperes, destinari, Ordinem Clericorum Regularium pauperum Matris Dei Scholarum piarum fundavit, qui peculiarem curam circa puerorum eruditionem ex proprio Instituto præsterentur: ipsumque Ordinem Clementi Octavo, Paulo Quinto, aliisque Summis Pontificibus magnoperè probatum, brevi tempore per plurimas Europæ provincias, & Regna mirabiliter propagavit. In hoc autem tot labores perpeffus est, ac tot ærumnas invicto animo toleravit, ut omnium voce miraculum fortitudinis, & sancti Jobi exemplum diceretur.

R. Amavit eum Dominus, & ornavit eum stolam gloriæ induit eum: ✱ Et ad portas paradisi coronavit eum. *Ver.* Induit eum Dominus lorica fidei, & ornavit eum. Et ad.

## LECTIO VI.

**Q**UAMVIS ordini universo præesse, totisque viribus ad animarum salutem incumberet, numquam tamen intermisit pueros, præsertim pauperiores, erudire, quorum scholas verrere, eosque domum comitari

tari consuevit. In eo summæ patientiæ, & humilitatis munere, valetudine etiam infirma, duos & quinquaginta annos perseveravit: dignus propterea, quem crebris Deus miraculis coram discipulis illustraret, & cui beatissima Virgo cum puero Jesu, illis orantibus benedicente, appareret. Amplissimis interim dignitatibus repudiatis, prophetia, abdita cordium, & absentia cognoscendi donis, & miraculis clarus, Deiparæ Virginis, quam singulari pietate & ipse ab infantia coluit, & suis maximè commendavit, aliorumque Cœlitum frequenti apparitione dignatus, cum obitus sui diem, & Ordinis tunc prope everfi restitutionem, atque incrementum prænuntiasset, secundum et nonagesimum annum agens, Romæ obdormivit in Domino, octavo Kalendas Septembris anno millesimo sexcentesimo quadragesimo octavo. Ejus cor & lingua post sæculum integra, & incorrupta reperta sunt: ipse verò multis post obitum quoque signis à Deo illustratus, primùm à Benedicto Decimoquarto Beatorum cultu decoratus fuit, ac deindè à Clemente Decimotertio inter Sanctos solemniter est relatus.

R. Iste homo perfecit omnia, quæ locutus est ei Deus, & dixit ad eum: Ingredere in requiem meam: ✱ Quia te vidi justum coram me ex omnibus gentibus. *Ver.* Iste est qui contempsit vitam mundi, & pervenit ad cœlestia regna. Quia te vidi. Gloria Patri. Quia te vidi.

*In Tertio Nocturno.*

Lectio sancti Evangelii secundum Matthæum.

*LECTIO VII. Cap. 18.*

**I**N illo tempore : Accesserunt discipuli ad Jesum, dicentes : Quis, putas, major est in regno cœlorum ? Et reliqua.

Homilia sancti Joannis Chrysostomi. *Hom. 60. in cap. 18. Matth.*

**V**IDETE, ne aliquem istorum contempseritis parvulorum, quia eorum Angeli Patris mei faciem semper aspiciunt : quia ego propter eos veni, & hæc Patris mei voluntas est, ad tuendos conservandosque pusillos diligentiores nos reddit. Perspicias quam ingentia in tutelam tenuium mœnia erexerit, & quantum studium, curamque habeat, ne perdantur, tum quia supremas decipientibus eos pœnas statuit, tum quia summam pollicetur mercedem his, qui curam eorum suscipiunt, idque tam suo, quam Patris exemplo corroborat.

R. Iste est qui ante Deum magnas virtutes operatus est, & de omni corde suo laudavit Dominum : \* Ipse intercedat pro peccatis omnium populorum. *Ver.* Ecce homo sine querela, verus Dei cultor, abstinens se ab omni opere malo, & permanens in innocentia sua. Ipse intercedat.

## LECTIO VIII.

**D**OMINUM igitur etiam nos imitemur, & nihil pro fratribus omittamus, etiam eorum, quæ humilia, viliaque nimium videntur: sed si administratione nostra etiam opus fuerit, quamvis tenuis, atque abjectus quidem, cui administrandum sit, fuerit, quamvis ardua nobis res, atque laboris plena esse videatur, omnia hæc pro fratris salute tolerabiliora, faciliioraque, oro videantur: tanto enim studio, tantaque cura Deus dignam esse animam ostendit, ut neque filio suo pepercerit.

R. Sint lumbi vestri præcincti, & lucernæ ardentes in manibus vestris: \* Et vos similes hominibus expectantibus dominum suum quando revertatur à nuptiis. *Ver.* Vigilate: quia nescitis qua hora Dominus vester venturus sit. Et vos. Gloria Patri. Et vos.

## LECTIO IX.

**S**I non est nobis satis ad salutem, quod virtuosè ipsi vivamus, sed oportet aliorum salutem re ipsa desiderare: cum neque nos rectè vivamus, neque alios hortemur, quid respondebimus? quæ nobis spes salutis reliqua erit? Quid majus, quam animis moderari, quam adolescentulorum fingere mores? Omni certè pictore, omni certè statuario, ceterisque hujusmodi omnibus excellentiorem hunc duco, qui juvenum animos fingere non ignoret. Te Deum laudamus.

DIE



DIE XVIII. SEPTEMBRIS. In  
Festo S. JOSEPHI A CUPERTINO,  
Confessoris. Duplex.

*Omnia de communi Confessoris non Pontificis,  
præter sequentia. In primis Vesperis, quæ  
dicuntur de hoc festo, ad Magnificat, Anti-  
phona. Mortuus sum, & vita mea est ab-  
scondita cum Christo in Deo.*

O R A T I O.

**D**EUS, qui ad unigenitum Filium tuum  
exaltatum à terra omnia trahere dispo-  
fuiſti: perſice propitiuſ; ut meritis, & ex-  
emplo Seraphici Confessoris tui Joſephi ſupra  
terrenas omnes cupiditates elevati, ad eum  
pervenire mereamur. Qui tecum vivit, &  
regnat.

*In Primo Nocturno.*

De Epistola ſecunda B. Pauli Apoſtoli ad  
Corinthios.

LECTIO I. Cap. 4. b.

**D**EUS, qui dixit de tenebris lucem ſplen-  
descere, ipſe illuxit in cordibus noſtris  
ad illuminationem ſcientiæ claritatis Dei, in  
facie Chriſti Jeſu. Habemus autem theſau-  
rum iſtum in vafiſ fictilibuſ: ut ſublinitas  
ſit virtutis Dei, & non ex nobis. In omni-  
buſ tribulationem patimur, ſed non anguſtia-  
mur: aporiamur, ſed non deſtituimur: per-  
ſecutionem

secutionem patimur, sed non derelinquimur : de-  
jicimur, sed non perimus : semper mortifi-  
cationem Jesu in corpore nostro circum-  
ferentes, ut et vita Jesu manifestetur in cor-  
poribus nostris. Semper enim nos, qui vi-  
vimus, in mortem tradimur, propter Jesum :  
ut & vita Jesu manifestetur in carne nostra  
mortali.

R. Euge serve bone & fidelis, quia in  
pauca fuisti fidelis, supra multa te constitu-  
am : \* Intra in gaudium Domini tui. *Ver.*  
Domine quinque talenta tradidisti mihi, ecce  
alia quinque superlucratus sum. Intra.

## LECTIO II. Cap. 5.

SCIMUS enim, quoniam si terrestribus  
domus nostra hujus habitationis dissol-  
vatur, quòd ædificationem ex Deo habemus,  
domum non manufactam, æternam in cœlis.  
Nam & in hoc ingemiscimus, habitationem  
nostram, quæ de cœlo est, superindui cupi-  
entes : si tamen vestiti, non nudi inveniamur.  
Nam & qui sumus in hoc tabernaculo, inge-  
miscimus gravati : eò quod nolumus expo-  
liari, sed supervestiri, ut absorbeatur quod  
mortale est, à vita. Qui autem efficit nos  
in hoc ipsum, Deus, qui dedit nobis pignus  
spiritus. Audentes igitur semper, scientes  
quoniam dum sumus in corpore, peregrina-  
mur à Domino : (per fidem enim ambula-  
mus, & non per speciem) audemus autem,  
& bonam voluntatem habemus magis pere-  
grinari

grinari à corpore, & præsentem esse ad Dominum.

R. Justus germinabit sicut lilium: \* Et florebit in æternum ante Dominum. *Ver.* Plantatus in domo Domini, in atriis domus Dei nostri. Et florebit.

### LECTIO III. Cap. 12.

**S**I gloriari oportet (non expedit quidem) veniam autem ad visiones, & revelationes Domini. Scio hominem in Christo ante annos quatuordecim (sive in corpore, sive extra corpus, nescio, Deus scit) raptum hujusmodi usque ad tertium cælum. Et scio hujusmodi hominem (sive in corpore, sive extra corpus, nescio, Deus scit) quoniam raptus est in Paradisum: & audivit arcana verba, quæ non licet homini loqui. Pro hujusmodi gloriabor: pro me autem nihil gloriabor nisi in infirmitatibus meis. Nam, & si voluero gloriari, non ero insipiens: veritatem autem dicam: parco autem, ne quis me existimet supra id, quod videt in me, aut aliquid audit ex me. Et ne magnitudo revelationum extollat me, datus est mihi stimulus carnis meæ Angelus Satanæ, qui me colaphizet. Propter quod ter Dominum rogavi, ut discederet à me: & dixit mihi: sufficit tibi gratia mea: nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi.

R. Iste

R. Iste cognovit justitiam, & vidit mirabilia magna, & exoravit Altissimum : \* Et inventus est in numero Sanctorum. *Ver.* Iste est qui contempsit vitam mundi, & pervenit ad cœlestia regna. Et inventus. Gloria Patri. Et inventus.

*In Secundo Nocturno. LECTIO IV.*

**J**OSEPHUS à Cupertino, oppido in Salentinis Diœcesis Neritonensis, anno reparatæ salutis millesimo sexcentesimo tertio, piis ibidem parentibus ortus, Deique amore præventus, pueritiam atque adolescentiam summa cum simplicitate, morumque innocentia transegit. A diuturno, molestoque morbo patientissimè tolerato Deiparæ Virginis ope liberatus, se totum pietatis operibus, ac excolendis virtutibus dedit : utque Deo ad majora vocanti se intimiùs conjungeret, Ordini Seraphico nomen dare constituit. Post varios eventus voti tandem compos factus, apud Minores Conventuales in Cœnobio Cryptulæ, inter Laïcos primùm ob litterarum imperitiam, deindè inter Clericos Divina dispositione connumeratus est. Sacerdotio post solemnia vota initiatus, perfectius sibi vitæ institutum proposuit. Quamobrem mundanis quibuscumque affectibus, terrenisque rebus penè ad vitam necessariis illicò à se abdicatis, ciliciis, flagellis, catenis, omni demùm asperitatum, ac pœnarum genere corpus afflixit ; spiritum verò sanctæ orationis altissimæque

simæque contemplationis assiduitate dulciter enutrivit. Hinc factum est, ut charitas Dei, quæ jam erat in ejus corde à prima ætate diffusa, miro planèque singulari modo indies coruscaverit.

R. Honestum fecit illum Dominus, & custodivit eum ab inimicis, & à seductoribus tutavit illum : \* Et dedit illi claritatem æternam. *Ver.* Justum deduxit Dominus per vias rectas, & ostendit illi regnum Dei. Et dedit.

### LECTIO V.

**E**LUXIT præcipuè ardentissima ejus charitas in ecstasibus ad Deum suavissimis, stupendisque raptibus, quibus frequenter afficiebatur. Mirum autem, quod alienato à sensibus animo statim ab ecstasi eum revocabat sola obedientia. Hanc quippè virtutem eximio studio prosequabatur, dicere solitus, se ab ea veluti cæcum circumduci, & mori potiùs velle, quam non obedire : paupertatem verò Seraphici Patriarchæ ita æmulatus est, ut morti proximus Prælato suo asserere verè potuerit, se nihil habere, quod more Religiosorum resignaret. Itaque mundo, sibique mortuus vitam Jesu manifestabat in carne sua, quæ dum in aliquibus ex turpitudine obscænum flagitium sentiebat, prodigiosum de se efflabat odorem, indicium nitidissimæ illius puritatis, quam, immundo spiritu vehementissimis tentationibus frustra obna-



obnubilare diu conante, servavit illæsam, tum arcta sensuum custodia, tum jugi corporis maceratione, tum denique speciale protectione purissimæ Virginis Mariæ, quam matrem suam appellare consuevit, ac veluti matrem dulcissimam intimo cordis affectu venerabatur, eamque ab aliis venerari exoptabat, ut cum ejusdem patrocínio, sicut ipse aiebat, omnia bona consequerentur.

R. Amavit eum Dominus, & ornavit eum, stolam gloriæ induit eum: ✱ Et ad portas paradisi coronavit eum. *Ver.* Induit eum Dominus lorica fidei, & ornavit eum. Et ad portas.

### LECTIO VI.

**H**ÆC beati Josephi sollicitudo à sua erga proximos charitate prodibat; tanto enim animarum Zelo exardebat, ut omnium salutem modis omnibus instantissimè procuraret. Extendens pariter charitatem suam in proximum sive pauperem, sive infirmum, sive quacumque alia tribulatione vexatum, quantum in ipso erat, illum recreabat. Nec alieni erant ab ejus charitate, qui objurgationibus, probris, omnisque generis injuriis ipsum appeterent: nam eadem patientia, mansuetudine, vultusque hilaritate talia excipiebat, qua tot inter, ac tantas vicissitudines resplenduit, dum vel Moderatorum Ordinis, vel sacrae Inquisitionis jussu hac illac errare, versarique coactus est. Quam-  
C quam

quam verò populi non solùm, sed viri Principes eximiam ejus sanctitatem, & superna charismata admirarentur; ea nihilominus erat humilitate, ut magnum se peccatorem reputans Deum enixè deprecaretur, ut sua ab eo illustria dona removeret; homines verò exoraret, ut in eum locum mortuum ejus corpus injicerent, ubi memoria sui esset prorsus oblitterata. At Deus, qui ponit humiles in sublime, quique Servum suum, dum viveret, cœlesti sapientia, prophetia, cordium perscrutatione, curationum gratia, ceterisque donis cumulatissimè exornaverat, ejus quoque mortem iis, quibus ipse antea prædixerat, loco, ac tempore, anno ætatis suæ sexagesimo primo, Auximi in Piceno pretiosam reddidit, sepulchrumque gloriosum. Illum denique etiam post obitum miraculis coruscantem Benedictus Quartusdecimus Beatorum, Clemens Tertiusdecimus Sanctorum fastis adscripsit: ejus autem Officium, & Missam Clemens Quartusdecimus ejusdem Ordinis ad universam Ecclesiam extendit.

R. Iste homo perfecit omnia, quæ locutus est ei Deus, & dixit ad eum: Ingredere in requiem meam: ✱ Quia te vidi justum coram me ex omnibus gentibus. *Ver.* Iste est qui contempsit vitam mundi, & pervenit ad cœlestia regna. Quia te vidi. Gloria Patri. Quia te vidi. ♣

*In Tertio Nocturno.*

Lectio sancti Evangelii secundum Matthæum.

*LECTIO VII. Cap. 22.*

**I**N illo tempore : Loquebatur Jesus Principibus sacerdotum, & Phariseis in parabolis, dicens : Simile factum est regnum cœlorum homini regi, qui fecit nuptias filio suo. Et reliqua.

Homilia sancti Gregorii Papæ. *Lib. 2. Homiliar. Homil. 38. circa medium.*

**Q**UIA jam, largiente Domino, nuptiarum domum, id est sanctam Ecclesiam, intraſtis, ſolenter, fratres, aſpiciſſe, ne aliquid de mentis veſtræ habitu Rex ingreſſiens reprehenſat. Cum magno enim cordis timore penſandum eſt, quod protinùs ſubditur : Intravit autem Rex ut videret diſcumbentes, & vidit ibi hominem non veſtitum veſte nuptiali. Quid fratres chariſſimi, exprimi per nuptialem veſtem putamus ? ſi enim veſtem nuptialem baptiſma, vel fidem dicimus, quis ſine baptiſmate & fide has nuptias intravit ? eo enim ipſo foris eſt, qui necdum credidit. Quid ergo debemus intelligere nuptialem veſtem, niſi charitatē ? Intrat enim ad nuptias, ſed cum nuptiali veſte non intrat, qui in ſancta Eccleſia aſſiſtens fidem habet, ſed charitatem non habet. Rectē enim charitas nuptialis veſtis vocatur, quia hanc in ſe

Conditor noster habuit, dum ad fociandæ sibi Ecclesiæ nuptias venit.

R. Iste est qui ante Deum magnas virtutes operatus est, & de omni corde suo laudavit Dominum : \* Ipse intercedat pro peccatis omnium populorum. *Ver.* Ecce homo sine querela, verus Dei cultor, abstinens se ab omni opere malo, & permanens in innocentia sua. Ipse intercedat.

### LECTIO VIII.

**S**OLA quippè dilectione Dei actum est, ut ejus Unigenitus mentes sibi electorum hominum uniret. Undè & Joannes dicit : Sic enim dilexit Deus mundum, ut Filium suum unigenitum daret pro nobis. Qui ergo per charitatem venit ad homines, eandem charitatem innotuit vestem esse nuptialem. Omnis ergo vestrum, qui in Ecclesia positus Deo credidit, jam ad nuptias intravit : sed cum nuptiali veste non venit, si charitatis gratiam non custodit. Et certè, fratres, si quis ad carnales nuptias esset invitatus, vestem mutaret, congaudere se sponso & sponsæ ex ipso sui habitus decore ostenderet, inter gaudentes, et festa celebrantes despectis vestibus apparere erubesceret. Nos ad Dei nuptias venimus, & cordis vestem mutare dissimulamus. Congaudent Angeli, cum ad coelum assumuntur electi. Qua ergo mente hæc spiritualia festa conspiciamus, qui nuptialem

tialem vestem, id est charitatem, quæ sola nos speciosos exhibet, non habemus.

R. Sint lumbi vestri præcincti, & lucernæ ardentes in manibus vestris : ✱ Et vos similes hominibus expectantibus dominum suum quando revertatur à nuptiis. *Ver.* Vigilate ergo : quia nescitis qua hora Dominus vester venturus sit. Et vos. Gloria Patri. Et vos.

### L E C T I O IX.

**S**CIENDUM verò est, quia sicut in duobus lignis, superiore videlicet, & inferiore vestis textitur : ita in duobus præceptis charitas habetur, in dilectione scilicet Dei, & proximi. Scriptum quippè est : Diliges Dominum Deum tuum ex toto corde tuo, & ex tota anima tua, & ex tota virtute tua, & proximum tuum sicut teipsum. Qua in re notandum est, quia in dilectione proximi mensura amoris ponitur, cum dicitur : Diliges proximum tuum sicut teipsum. Dei autem dilectio nulla mensura constringitur, cum dicitur : Diliges Dominum Deum tuum ex toto corde tuo, ex tota anima tua, ex tota virtute tua. Non enim jubetur quisque quantum diligat, sed ex quanto, cum dicitur ; Ex toto ; quia ille veraciter Deum diligit, qui sibi de se nihil relinquit. Duo ergo necesse est ut charitatis præcepta custodiat quisquis habere in nuptiis vestem nuptialem curat. Te Deum laudamus.



*Si verò hoc Festum occurrat in Quatuor Temporibus, nona Lectio legitur de Homilia illius Ferie. Ad Benedictus, Antiphona.*

Ostendit mihi (Dominus) fluvium aquæ vivæ, Splendidum tamquam crySTALLUM procedentem de sede Dei, & Agni.

*Et sit Commemoratio Ferie, si venerit in Quatuor Temporibus, ad Landes tantum.*

*Vesperæ à Capitulo de sanctis martyribus Januario & Sociis, cum Commemoratione S. Josephi à Cupertino. Antiphona.*

Existimo omnia detrimentum esse propter eminentem scientiam Jesu Christi Domini mei. *Vers.* Justum deduxit. *Oratio.* Deus, qui. *Ut supra.*

## D E C R E T U M U R B I S, E T O R B I S.

**Q**UUM supremam adposuerit manum Canonizationi S. Josephi à Cupertino Ordinis Minorum sancti Francisci Conventualium, Frater Laurentius Ganganelli tunc Cardinalis Causæ Ponenfis vices agendo, nunc CLEMENS Papa XIV. Officium proprium, ac Antiphonas ad Cantica Benedictus, & Magnificat, nec non Missam propriam adprobavit atque à Seraphico Ordine suo Minorum Conventulium recitari mandavit.

Ut

*Ut autem admirabilis hujusce sancti Viri memoria in Christi Ecclesia peragatur, præfatum Officium, & Missam propriam ad omnes Sacerdotes tam Sæculares, quam Regulares die decima octava Septembris celebrandam extendit. Die 8 Augusti 1769.*

Fl. Card. Chisius Præfectus. Loco ✕ Sigilli. V. Macedonius S. R. C. Secretarius.

*DECRETUM Urbis, & Orbis.*

Enixis precibus sanctissimo Domino nostro Clementi PP. XIV. per eminentissimum et reverendissimum Dominum Cardinalem Chisium sac. Rituum Congregationi Præfectum, nec non P. Generalis Congregationis Somaschæ, quibus Sanctitas sua supplicabatur ut Officium S. Hieronymi Æmiliani præfatæ Congregationis Fundatoris de Com. Conf. non Pont. cum Læctionibus secundæ, & tertiæ Nocturni, Orationes ac Missa propriis, jam a sac. Rituum Congregatione pro eadem Congregatione de Somascha adprobatis, ad Ecclesiam universalem extendere dignaretur. Et Sanctitas sua, referente me infra-scripto Secretario, petitis benigne annuens, ex speciali gratia supradictum Officium cum Missa in memoriam præfati sancti Hieronymi Æmiliani a Clero tam seculari, quam regulari utriusque Sexus universalis militantis Ecclesiæ, qui ad horas canonicas tenentur, quotannis die 20 Julii sub ritu duplicis minoris, recitari præcepit. Die 2 Septembris 1769.

Fl. Card. Chisius Præfectus. Loco ✕ Sigilli. V. Macedonius Sac Rit. Congr. Secret.

*DECRETUM Urbis, & Orbis.*

Sanctissimus Dominus noster Clemens Papa XIV. ad supplices complurium Episcoporum, nec non  
P. Pro.

P. Procuratoris Ordinis Clericorum Regularium Pauperum Matris Dei Scholarum, piarum preces, Officium de Comm. Confess. non Pont. cum Oratione & Lectionibus secundi, & tertii Nocturni, ac Missa propriis Sancti Josephi Calasancii a Matre Dei dicti Ordinis Fundatoris, alias a sac. Rituum Congregatione adprobatis, ab omnibus tam Secularibus, quam Regularibus utriusque Sexus Christi fidelibus, qui ad horas canonicas tenentur, quotannis die vigesima septima Augusti sub ritu duplicis minoris recitari, ac respective celebrari præcepit. Die 19 Augusti 1769.

Fl. Card. Chisius Præfectus. *Loco* ✠ *Sigilli.*  
V. Macedonius R. R. C. Secretarius.

*DECRETUM Urbis, & Orbis.*

Ad pias C. R. Emi & Rmi Domini Cardinalis \*\*\*\*\* Ordinis Sanctimonialium Visitationis S. Mariæ Potestoris, preces Sanctissimo Domino nostro Clementi PP. XIV. porrectas; Sanctitas sua, ad relationem per me infrascriptum Secretarium factam, ex speciali gratia, petitis benigne annuendo, mandavit, ut Officium S. Joannæ Franciscæ Fremjot de Chantal præfati Ordinis Fundatricis de Com. nec Virg. nec Mart. cum Lectionibus secundi Nocturni, & tribus Orationibus in Missa propriis, jam pro iisdem Monialibus adprobatis, impostero ab omnibus tam Secularibus, quam Regularibus utriusque Sexus Christi fidelibus, qui in Ecclesia Universali ad horas canonicas tenentur, die vigesima prima mensis Augusti sub ritu duplici minori de præcepto recitetur. Die 2 Septembris 1769.

Fl. Card. Chisius Præfectus. *Loco* ✠ *Sigilli.*  
V. Macedonius Sec. Rit. Congreg. Secret.

SUPPLEMENTUM AD MISSALE  
ROMANUM M.DCC.LXX.

DIE XX. JULII. *MISSA In Festo S. HIERONYMI ÆMILIANI, Confessoris.*  
INTROITUS.

**E**Ffusus est in terra jecur meum super  
contritione filiæ populi mei, cum defi-  
ceret parvulus, & lactens in plateis oppidi.  
*Psalmus.* Laudate pueri Dominum: laudate  
nomen Domini. *Vers.* Gloria Patri.

O R A T I O.

**D**EUS misericordiarum Pater, per merita  
& intercessionem beati Hieronymi,  
quem Orphanis adiutorem & patrem esse  
voluisti, concede: ut spiritum adoptionis,  
quo filii tui nominamur & sumus, fideliter  
custodiamus. Per Dominum nostrum.

*Et fit Commemoratio S. Margaritæ Virginis  
& Martyris. Oratio Indulgentiam nobis ut  
in Communi.*

Lectio Isaïæ Prophetæ.

**F**Range esurienti panem tuum, & egenos,  
vagosque induc in domum tuam: cum  
videris nudum, operi eum, & carnem tuam  
ne despexeris. Tunc erumpet quasi mane  
lumen tuum, & sanitas tua citius orietur, &  
anteibit faciem tuam justitia tua, & gloria

D

Domini

Domini colliget te. Tunc invocabis, & Dominus exaudiet: clamabis, & dicet: Ecce adsum; si abstuleris de medio tui catenam, & desieris extendere digitum, & loqui quod non prodest. Cum effuderis esurienti animam tuam, & animam afflictam repleveris, orietur in tenebris lux tua, & tenebræ tuæ erunt sicut meridies. Et requiem tibi dabit Dominus semper, & implebit splendoribus animam tuam, & ossa tua liberabit, & eris quasi hortus irriguus, & sicut fons aquarum, cujus non deficient aquæ.

*Graduale.* Deriventur fontes tui foràs, & in plateis aquas tuas divide. *Vers.* Jucundus homo qui miseretur & commodat, disponit sermones suo in iudicio: quia in æternum non commovebitur. Alleluia, alleluia. *Vers.* Disperfit, dedit pauperibus: justitia ejus manet in sæculum sæculi. Alleluia.

*Post Septuagesimam omittis Alleluia. Et Vers. sequenti, dicitur.*

*Tractus.* Si negavi, quod volebant, pauperibus, & oculos viduæ expectare feci? *Vers.* Si comedi buccellam meam solus, et non comedit pupillus ex ea? *Vers.* Quia ab infantia crevit mecum misratio: & de utero matris meæ egressa est mecum.

*Tempore Paschali omittitur Graduale, & ejus loco dicitur.*

Alleluia, alleluia. *Vers.* Disperfit dedit pauperibus: justitia ejus manet in sæculum sæculi, Alleluia. *Vers.* Elegi abjectus esse in



in domo Dei mei : magis quam habitare in tabernaculis peccatorum. Alleluia.

Sequentia sancti Evangelii secundum Matthæum.

**I**N illo tempore: Oblati sunt ei parvuli, ut manus eis imponeret, & oraret. Discipuli autem increpabant eos. Jesus verò ait eis: Sinite parvulos, & nolite eos prohibere ad me venire: talium est enim regnum cœlorum. Et cum imposuisset eis manus, abiit indè. Et ecce unus accedens, ait illi: Magister bone, quid boni faciam ut habeam vitam æternam? Qui dixit ei: Quid ne interrogas de bono? Unus est bonus, Deus. Si autem vis ad vitam ingredi, serva mandata. Dicit illi: Quæ? Jesus autem dixit: Non homicidium facies: Non adulterabis: Non facies furtum: Non falsum testimonium dices: Honora patrem tuum, & matrem tuam, & diliges proximum tuum sicut te ipsum. Dicit illi adolescens: Omnia hæc custodivi à juventute mea, quid adhuc mihi deest: Ait illi Jesus: Si vis perfectus esse, vade, vende quæ habes, & da pauperibus, & habebis thesaurum in cœlo: Et veni sequere me.

*Offertorium.* Quando orabas cum lacrymis, & sepeliebas mortuos, & derelinquebas prandium tuum, & mortuos abscondebas per diem in domo tua, & nocte sepeliebas eos, ego obtuli orationem tuam Domino.

*Secreta.*

*Secreta.*

**C**lementissime Deus, qui veteri homine consumpto, novum secundum te in beato Hieronymo creare dignatus es: da per merita ipsius, ut nos pariter renovati hanc placationis hostiam in odorem tibi suavissimum offeramus. Per Dominum nostrum.

*Pro S. Margarita. Secreta, Hostias tibi, Domine. Ut in Communi.*

*Communio.* Religio munda, & immaculata apud Deum & Patrem, hæc est: Visitare pupillos, & viduas in tribulatione eorum, & immaculatum se custodiri ab hoc sæculo.

*Postcommunio.*

**A**ngelorum pane refecti, te, Domine, suppliciter deprecamur: ut qui annum beati Hieronymi Confessoris tui memoriam celebrare gaudemus, ejusdem etiam & exemplum imitemur, & amplissimum in regno tuo præmium obtinere valeamus. Per Dominum nostrum.

*Pro S. Margarita. Postcommunio. Divini muneris. Ut in Communi.*

DIE XXI. AUGUSTI. *MISSA In Festo*  
*S. JOANNÆ FRANCISCÆ FREMIOT*  
*ACHANTAL, Viduæ.*

**INTROITUS.**

**C**Ognovi. *de Communi nec Virginum nec*  
*Martyrum, præter Orationes, quæ di-*  
*cuntur ut infra*

*Fit Commemoratio de Octava Assumptionis &*  
*dicitur*

*Credo. cum Præfatione beatæ Mariæ. Et*  
*te in Assumptione. Nisi hoc Festum transfe-*  
*ratur post Octavam.*

*Oratio.*

**O**Mnipotens & misericors Deus, qui bea-  
 tam Joannam Franciscam tuo amore  
 succensam admirabili spiritus fortitudine per  
 omnes vitæ semitas in via perfectionis do-  
 nasti; quique per illam illustrare Ecclesiam  
 tuam nova prole voluisti: ejus meritis, &  
 precibus concede; ut qui infirmitatis nostræ  
 conscii de tua virtute confidimus, cœlestis  
 gratiæ auxilio, cuncta nobis adversantia vin-  
 camus. Per Dominum nostrum.

*Et fit Commemoratio de Octava Assumptionis*  
*B. Mariæ, Oratio. Famulorum tuorum, &c.*

*Secreta.*

**I**Llo nos amoris igne, quæsumus Domine,  
 hæc hostia salutaris inflammet: quo bea-  
 tæ Joannæ Franciscæ cor vehementer incen-  
 dit,

dit, & flammis adussit æternæ charitatis. Per Dominum.

*Pro Octava Assumptionis, Secreta.* Subveniat, Domine.

*Postcommunio.*

**S**piritum nobis Domine, tuæ charitatis infunde: ut, quos cœlestis panis virtute satiaſti, beata Joanna Francisca intercedente, facias terrena despicere, & te solum Deum pura mente sectari. Per Dominum. In unitate ejusdem spiritus.

*Pro Octava Assumptionis, Postcommunio.* Mensæ cœlestis.

DIE XXVII. AUGUSTI. *MISSA In*  
*Festo S. JOSEPHI CALASANCTII A*  
*MATRÈ DEI Confessoris.*

*INTROITUS.*

**V**enite filii, audite me: timorem Domini docebo vos.

*Psalmus.* Benedicam Dominum in omni tempore: semper laus ejus in ore meo.

*Vers.* Gloria Patri.

*Oratio.*

**D**EUS, qui per sanctum Josephum Confessorem tuum ad erudiendam spiritum intelligentiæ, ac pietatis juventutem novum Ecclesiæ tuæ subsidium providere dignatus es: præsta quæsumus, nos ejus exemplo, & inter-

intercessione ita facere, & docere, ut præmia consequamur æterna. Per Dominum nostrum.

Lectio libri Sapientiæ.

**J**ustum deduxit Dominus per vias rectas, & ostendit illi regnum Dei, & dedit illi scientiam sanctorum: honestavit illum in laboribus, & complevit labores illius. In fraude circumvenientium illum affuit illi, & honestum fecit illum. Custodivit illum ab inimicis, & à seductoribus tutavit illum, & certamen forte dedit illi ut vinceret, & sciret quoniam omnium potentior est sapientia. Hæc venditum justum non dereliquit, sed à peccatoribus liberavit eum: descenditque cum illo in foveam, & in vinculis non dereliquit illum, donec afferret illi sceptrum regni, & potentiam adversus eos, qui eum deprimebant: & mendaces ostendit, qui maculaverunt illum, & dedit illi claritatem æternam Dominus Deus noster.

*Graduale.* Os justi meditabitur sapientiam, & lingua ejus loquetur judicium. *Vers.* Lex Dei ejus in corde ipsius: & non supplantabuntur gressus ejus. Alleluia, alleluia. *Vers.* Beatus vir, qui suffert tentationem: quoniam cum probatus fuerit, accipiet coronam vitæ. Alleluia.

*Post Septuagesimam, omissis Alleluia. Et Vers. sequenti dicitur.*

*Tractus.* Beatus vir, qui timet Dominum: in Mandatis ejus cupit nimis. *Vers.* Potens



in terra erit semen ejus : generatio rectorum benedicetur. *Vers.* Gloria, & divitiæ in domo ejus, & justitia ejus manet in sæculum sæculi.

*Tempore Paschali omittitur Graduale, & ejus loco dicitur.* Alleluia, alleluia. *Vers.* Beatus vir, qui suffert tentationem : quoniam cum probatus fuerit, accipiet coronam vitæ, Alleluia. *Vers.* Amavit eum Dominus, & ornavit eum : stolam gloriæ induit eum. Alleluia.

Sequentia sancti Evangelii secundum Matthæum.

**I**N illo tempore : Accesserunt discipuli ad Jesum, dicentes : Quis, putas, major est in regno cœlorum ? Et advocans Jesus parvulum, statuit eum in medio eorum, & dixit : Amen dico vobis, nisi conversi fueritis, & efficiamini sicut parvuli, non intrabitis in regnum cœlorum. Quicumque ergo humiliaverit se sicut parvulus iste, hic est major in regno cœlorum. Et qui susceperit unum parvulum talem in nomine meo, me suscipit.

*Offertorium.* Desiderium pauperum exaudivit Dominus : præparationem cordis eorum audivit auris tua.

*Secreta.*

**A**ltare tuum, Domine, muneribus cumulamus oblatis : ut ejus nobis fiant supplicatione propitia, cujus nos donasti patrocinio adjuvari. Per Dominum.

*Com-*

*Communio.* Sinite parvulos venire ad me,  
& ne prohibueritis eos : talium enim est  
regnum Dei.

*Postcommunio.*

**S**anctificati, Domine, salutari mysterio,  
quæsumus : ut intercedente sancto Jo-  
sepho Confessore tuo, ad majus semper pro-  
ficiamus pietatis incrementum. Per Domi-  
num.

DIE XVIII. SEPTEMBRIS. *MISSA*  
*In Festo S. JOSEPHI A CUPERTINO,*  
*Confessoris.*

*INTROITUS.*

**D**ILECTIO Dei honorabilis sapientia :  
quibus autem apparuerit in visu, dili-  
gunt eam in visione, & in agnitione magna-  
lium suorum. *Psalmus.* Quam dilecta taber-  
nacula tua Domine virtutum ! concupiscit,  
& deficit anima mea in atria Domini. *Vers.*  
Gloria Patri.

*Oratio.*

**D**EUS, qui ad unigenitum Filium tuum  
exaltatum à terra omnia trahere dispo-  
suiisti : perface propitius ; ut meritis, & ex-  
emplo Seraphici Confessoris tui Josephi supra  
terrenas omnes cupiditates elevati ad eum  
pervenire mereamur. Qui tecum vivit, &  
regnat.

Lectio Epistolæ beati Pauli Apostoli ad Corinthios.

**F**Ratres, Si linguis hominum loquar, & Angelorum charitatem autem non habeam, factus sum velut æs sonans, aut cymbalum tinniens. Et si habuero prophetiam, & noverim mysteria omnia, & omnem scientiam: & si habuero omnem fidem ita ut montes transferam, charitatem autem non habuero, nihil sum. Et si distribuero in cibos pauperum omnes facultates meas, & si tradidero corpus meum ita ut ardeam, charitatem autem non habuero, nihil mihi prodest. Caritas patiens est, benigna est: Caritas non æmulatur, non agit perperam, non inflatur, non est ambitiosa, non quærit quæ sua sunt, non irritatur, non cogitat malum, non gaudet super iniquitate, congaudet autem veritati: omnia suffert, omnia credit, omnia sperat, omnia sustinet. Caritas numquam excidit: siue prophetiæ evacuabuntur, siue linguæ cessabunt, siue scientia destruetur.

*Graduale.* Domine prævenisti eum in benedictionibus dulcedinis: posuisti in capite ejus coronam de lapide pretioso. *Vers.* Vitam petiit à te, & tribuisti ei longitudinem dierum in sæculum, & in sæculum sæculi. Alleluia, alleluia. *Vers.* Oculus Dei respexit illum in bono, & erexit eum ab humilitate ipsius, & exaltavit caput ejus. Alleluia.

Sequentia sancti Evangelii secundum Mat-  
thæum.

**I**N illo tempore : Loquebatur Iesus Prin-  
cipibus sacerdotum, & Pharisæis in pa-  
rabolis, dicens : Simile factum est regnum  
cœlorum homini regi, qui fecit nuptias filio  
suo. Et misit servos suos vocare invitatos  
ad nuptias, & volebant venire. Iterum misit  
alios servos, dicens : Dicite invitatis : Ecce  
prandium meum paravi, tauri mei, & altilia  
occisa sunt, & omnia parata : venite ad nup-  
tias. Illi autem neglexerunt : & abierunt,  
alius in villam suam, alius verò ad negotia-  
tionem suam : reliqui verò tenuerunt servos  
ejus, & contumeliis affectos occiderunt.  
Rex autem cùm audisset, iratus est : & missis  
exercitibus suis, perdidit homicidas illos, &  
civitatem eorum succendit. Tunc ait servis  
suis : Nuptiæ quidem paratæ sunt, sed qui  
invitati erant, non fuerunt digni. Ite ergo  
ad exitus viarum, & quoscumque inveneritis,  
vocate ad nuptias. Et egressi servi ejus in  
vias, congregaverunt omnes, quos invene-  
runt, malos & bonos : & impletæ sunt nup-  
tiæ discumbentium. Intravit autem Rex ut  
videret discumbentes, & vidit ibi hominem  
non vestitum veste nuptiali. Et ait illi :  
Amice, quomodò huc intrasti non habens  
vestem nuptialem ? At ille obmutuit. Tunc  
dixit rex ministris : Ligatis manibus, & pe-  
dibus ejus, mittite eum in tenebras exte-  
riores :

riores : ibi erit fletus, & stridor dentium. Multi enim sunt vocati, pauci verò electi.

*Offertorium.* Ego autem cùm mihi molesti essent, induēbar cilicio. Humiliabam in ieiunio animam meam : & oratio mea in sinu meo convertetur.

*Secreta.*

**L**AUDIS tibi Domine, hostias immolamus in tuorum commemoratione Sanctorum: quibus nos & præsentibus exui malis confidimus, & futuris. Per Dominum nostrum.

*Communio.* Ego sum pauper & dolens : salus tua Deus suscepit me. Laudabo nomen Dei cum cantico : & magnificabo eum in laude.

*Postcommunio.*

**R**EFACTI cibo potuque cœlesti, Deus noster, te supplices exoramus : ut in cuius hæc commemoratione percepimus, ejus muniamur & precibus. Per Dominum nostrum.

DIE XII. OCTOBRIS.

*S. Seraphini de Asculo Conf. Ord. Min. Capuc-  
cinorum.*

*Missa.* Justus ut palma. *de Communi Conf.  
non Pont. 2. Loco. sine Credo.*

ORATIO.

**D**EUS, qui in Corde beati Seraphini amoris tui flammæ excitasti, ejus quæsumus nobis intercessione concede ; ut illius vestigia sectantes iisdem ardoribus accendamus. Per Dominum.

*Pro*



*Pro PP. Societatis JESU.*

DIE XIII. FEBRUARII. *In Feste*  
*S. CATHARINÆ DE RICCIIS,*  
*Virginis. Duplex.*

*Omnia de Communi Virginum præter sequentia.*

ORATIO.

**D**OMINE Jesu Christe, qui beatam Catharinam Virginem, tui amore succensam, Passionis contemplatione clarescere voluisti: ejus intercessione concede, ut Passionis mysteria devotè recolentes, ejus fructum percipere mereamur. Qui vivis.

*In Quadrag. Lectiones primi Nocturni, De Virginibus. Extra Quadrag. de Scriptura occurrente.*

*In secundo Nocturno. LECTIO IV.*

**C**ATHARINA, nobili Familiâ de Ricciis Florentiæ nata, vel ab ineunte ætate piam indolem præmaturè ostendit. In suburbano monasterio sancti Petri de Monticulis, ubi morum disciplina imbueretur, collocata, quotidie ad Christi Crucifixi Imaginem orans non sine lacrymis, horis etiam animi relaxationi addictis, ejus Passionem meditabatur. Ad monasterium postea sancti Vincentii Ordinis sancti Dominici in civitate Prati translata, paternos lares ad tempus repetere,

repetere, nisi certa spe redditus habitâ constanter recusavit. Tandem anno decimo tertio, sæculi deliciis contemptis, ibidem religiosum Institutum professâ est.

K. Propter veritatem, & mansuetudinem, & justitiam: ✱ Et deducet te mirabiliter dextera tua. *Vers.* Specie tua & pulchritudine tua intende, prosperè procede, & regna. Et deducet.

### LECTIO V.

**C**haritate in Deum fervens, Orationi ferè assidue vacabat; quidquid temporis necessariis occupationibus & modicæ quieti supererat, in ea infumens: utque corpus in servitutem redigeret, ferreâ catenâ & flagellis illud macerabat. Cibi parcissima octo suprà quadraginta annos carnibus abstinuit, leguminibus plerumque & herbis vescens, interdum verò solo panè & aqua contenta. Proximorum æternam salutem exoptans, ardentissimas ad Deum pro peccatorum conversione preces fundebat. Tanto etiam commiserationis sensu erga purgantem animam commota est; ut acerbissimos dolores sibi divinitus inflictos in poenarum illi debitarum expiationem pertulisse visa sit. Eximiâ prudentiâ, & regularis observantiæ zelo Moniales diu rexit, eas non minùs exemplo, quam adhortationibus ad omnem sanctimoniam informans: quo in officio humilitatem adeò coluit, ut abjectissima quæque opera spontè obiret,

obiret, ac infirmis præcipuâ charitate & summo studio inferviret.

R. Dilexisti justitiam, & odisti iniquitatem : \* Propterea unxit te Deus, Deus tuus oleo lætitiæ. *Vers.* Propter veritatem, & mansuetudinem, & justitiam. Propterea.

### LECTIO VI.

**S**upernorum charismatum copia singularis in eâ enituit; annulo desponsationis, sacrisque stigmatibus, quæ non semel spectanda se exhibuerunt, acceptis. Plurimum annorum Spatio quintâ & Sextâ Feriâ in altissimam contemplationem raptâ, singulos Redemptoris cruciatus in Passione toleratos ex ordine in corpore mirabiliter sentire consuevit. Prati degens sanctum Philippum Nerium Romæ commorantem videre promeruit, ejusque colloquio frui. Exstasum, raptuum, cœlestium visionum, ac prophetici luminis dono illustris, futura prædixit, ac simul occulta revelavit. Gravibus denique morbis decumbens, Ecclesiæ sacramentis munita, anno à Christo nato millesimo quingentesimo nonagesimo, ætatis sexagesimo nono, Quarto Nonas Februarii in cœlum migravit. Eam Benedictus Decimus quartus Pontifex Maximus solemnî ritu Sanctarum Virginum fastis adscripsit, anno salutis millesimo septingentesimo quadagesimo sexto.

R. Afferentur Regi virgines post eam, proximæ ejus, \* Afferentur tibi in lætitiâ  
 &

& exultatione. *Vers.* Specie tua & pulchritudine tua intende, prosperè procede, & regna. Afferentur. Gloria Patri. Afferentur.

*Tertium Nocturnum de Communi Virg. primo loco. Missa Dilexisti, &c. cum prima Oratione ut supra.*

*ELOGIUM S. Joannæ Franciscæ Fremiot de Chantal Viduæ, pro Martyrologio romano.*

**M**OLINI in Galliâ Natalis sanctæ Joannæ Franciscæ Fremiot de Chantal Sanctimonialium Visitationis sanctæ Mariæ Fundatricis, Nobilitate Generis, sanctimonialiâ vitæ, quam in quadruplici statu constanter duxit, & Miraculorum gratiâ conspicuæ à Clemente XIII. in Sanctarum numerum relatæ. Sacrum ejus corpus Annesium in Sabaudiâ translatum, in prima sui Ordinis Ecclesia solemnî pompa tumulatum fuit. Ejus autem festum diem duodecimo Calendas Septembris ab universa Ecclesia Clemens XIV. celebrari mandavit.



